

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**


**Carolsruhae, 1765**

CCXXXV.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

Decani & Camerarii predictorum duxi presentibus appendendum. Et nos Capitulum S. Petri predictum in testimonium nostri consensus. Nosque Decanus & Camerarius supra dicti, quia dictis Deputationi ordinationi prebendarum ac taxationi dictarum Ecclesiarum cum aliis nostris confratribus interfuimus, & nostrum super hoc consilium dedimus, sigilla nostra in premissorum omnium testimonium presentibus duximus appendenda.

Datum anno Domini MCCCXXV. III. Kal. Januarii.



CCXXV.

LITERÆ REVERSALES FRIDERICI ET HERMANNI  
MARCHIONUM BADENSIIUM SPIRENSI CIVITATI DE  
JURE APERTURÆ IN CASTRO OCHSENBERG  
DATE.

ANNO MCCCXXVI.

*Ex autographo tabularii civitatis Spirensis.*

**W**ir *Friderich* von Gottes Gnaden ein *Marggrave von Baden* und *Marggrave Herman*, *Unser Sun*, verjehen offenlich unde dunt kunt allen den, die diesen Brief jemer sehent oder hœrent lesen, das wir durch sunderliche Gnade und Früntschafft, die Uns gethan hant die Erbarn Wisen Lûte die Burgermeistere, der Rath unde die Burgere gemeinlich von Spire, daran, das sie Uns erlaubet hant zu verletzene Unser Hus *Ochsenberg* genant, unde das dazu hœret, In dem vorgenan-

C c c 3

ten Burgermeistern, dem Rathe und den Bürgern gemeinlichen von Spire, willezlich unde unbezwungenlich gelopt hant und geloben jn an diesem gegenwärtigen Brieffe uff Unser Eyde, die wir bede darumbeliplich geschworen hant, das Wir unde alle Unser Erben, unde das vorgenant Unser Hufs, wanne Wir oder Unser Erben, dasselbe Hufs *Ochsenberg* wieder gelæfen oder ingewinnen von *Albrecht von Gemmingen*, den man nennet von *Entzeberg*, eime Edelknechte, den wir es verfeztet han, halten sollent unde wellen allen die Gedingende und Fürworte, als wir ihn ouch vormales gelopt hatdent, und verbunden waren, unde ouch das dasselbe Hufs *Ochsenberg* des vorgenanten Rathes und der Statt gemeinlich von Spire offen Hufs syn sol, in alle Wifs als die Brieffe besagent die wir jn darüber under Unser beder Ingesigel, der Brieffe Abeschrift hinach von Worten zu Worten geschriben stat, besigelt gegeben hatdent, unde stent die Brieffe alfus. Wir *Margrave Friederich von Baden* und *Marggrave Herman sin Sun*, dunt kunt allen den die diesen Brieff immer sehent oder hærent lesen, und verjehent offentlich, das Wir durch manigveltigen Erbaren unde nutzlichen Dienst unde Früntschafft, die Uns die Erbaren Wifen Lüte der Rath und die Burgere gemeinlich von Spire bede Uns unde Unfern Vordern getrulich unde willeclich zu aller Zit erbotden hant, unde ouch fürwarter volleclichen zu jn hoffen, Uns unde Unfern Nachkommen von jn zu erbitenne, in demselben denne Rathe von Spire unde allen jrn Burgern unde Inwonungen, bede Armen unde Richen, von ihr stetde von Spire wegen, Unser Vestin *Ochsenberg* haben willeclich und ewiclich uffgetan, also das wir unde alle unser Erben unde Nachkommen, unde auch ein jeglicher, der dieselbe Vestin inne hat, die Vorgenanten den

Rath unde die Bürgere von Spire sollent uff dieselbe Vestin zu aller Zit unverzogenlich unde ane alle Widerrede lasse darab, unde daruff wider ihr vinden unde meniglichen zu Urlogenen unde zekrigen unde jrn Vinden zu widersten, wande ussgenomenlich gegen *Margrave Rudolff von Baden, dem Eltern, vnserm Vetern* unde *Margrav Margrave Rudolff Unserm Bruder, Hessen, Unserm Vettern Sun*, mit solchem Gedingende, würde ein Mißhellunge oder Krieg zwischent denselben Herren oder jr etzlichen under jn unde der Statt zu Spire, darumbe sollen Wir und ein jeglicher, des die Vestin ist, der Stetde Recht unde Gelimpffe, wenne es an Uns oder an jn wirt gefordert, und auch der vogenanten Herren oder defs under jne, der danne wider derselben Statt von Spire Krieg unde Mißhellunge hat, fürderlichen und unverzogenlichen erhæren bedersite, mögent wir sie nit früntlich verrichten, so sollent wir und ein jeglicher, des die Vestin denne ist, nach jedweder Parten Rede, uff den Eyd ein Urteil sprechen, wirt jhn das Urteil funden, dafs die Burger Recht und Vorderunge oder Rechten Widersatz gegen den vorgedachten Herren hant, oder versprechent die Herren den Bürgern und der Stetde von Spire das Recht, oder wolten vor Uns oder dem defs die Vestin ist, zu Tage nit kommen, so sollent wir, unde ein jeglicher defs dieselben Vestin ist, die vorgedachte Burgere und die Statt von Spire abe der vorgedachten Vestin und daruff wider die vogenanten Herren, oder welcher denne under jn mit jn Mißhellunge hat, lassen kriegen, ane alle Hindernisse und Geverde, also vorbescheiden ist, wurde aber funden, dafs die Burger und die Statt nicht rechte Vorderung an die Herren hettent, so sollent wir doch sie abe der Vestin unde daruff, andere ihr Vinde lassen schedigen unde jn widersteen, in alle die Wis als

vor geredt ist, wande wider die vorgeantanten Herren, gegen den sie mit Rechtens hetdent, derselben Herren Diener sollent nit in diesem Gedingende syn, wande wider die mögent ouch die Bürgere unde die Statt obe der Vestin und daruff krigen, sie haben Recht oder nit. Wir hant auch gelobt offentlich, das wir dieselben Vestin, niemanne sollent verkaufen noch versetzen, noch in keine Wyfs verendern noch verwechseln, er swere danne vor, eh wir ja die Vestinge entwurten und innegegeben, den vorgedachten Bürgern und der Statt von Spire alle Gedinge unde Stücke, die an diesem Briefe geschriben stant, unverbrochenlich ganze und veste und ouch ewiglich ane alle Geverde zu haltenne und sine Briefe mit solichen Insigeln besigelt, den zu gelouben ist, darüber zu gebene, in der Forme, als dirre Brief stat. Es soll ouch ein jeglicher, dem wir die Vestin empfehlen, zu den Heiligen sweren, die Burgere und die Statt von Spire uff die Vestin zu lassenne zu aller Zit ane Geverde, darobe und daruff zu dunne als vorgeschriben ist unde sie ouch vor jrn Schade und Ungesüre, die ja uf der Vestin und ouch darobe und daruff möchten widerfarn, zu behutenne und zu warnemme, als verre er mag und kan, ane alle Geverde, dazu han wir bede uff den Heiligen offentlich gefworen unfer jeglicher einen Eyt, stetde und veste zu haltenne die vorgeseiten Stücke und Gedinge der Statt von Spire, ane alle Geverde. Ouch ist geretd, das die Burgere und die Statt von Spire sich mit niemanne wider denne sie Krieg abe der vorgedachten Vestin bant gehabt, sollens lassen vriden noch sünen, sie nennen uns unde auch einen jeglichen des danne die Vestin ist, mit in dieselben Vrieden und süne ungeverlichen, und zu eime waren Urkunde das und ouch alles des vorgeschriben ist, so hant wir

*Marggr.*

*Margg. und Marggr. H. Unser Sun*, Unsere Ingefegle gehencket an diesen Brieff, der wart geben als man zalte von Cristes Geburte 1300. Jare unde darnach in dem sechs und zwentzigsten Jare, an der nechsten Mittewochen nach Sante Peters und Sante Pauls Tage des Zwolff Botden. Ouch ist beret, were es; dafs wir oder unser Erben darnach so wir das vorgenant Hufs *Ochsenberg* widergelœften oder wider in gewinnen, von dem vorgenanten *Albrecht*, anderwarbe umbe unser Notdurfft ungeverlich versetzen oder verkauffen musten, da sollent wir den vorgedachten Rat und die Burgere und die Statt von Spire umbe bitten, dafs es jr Wille sy, und hant si uns auch gelopt, dafs sie das jrn Willen wollent lassen syn ouch also, wenne das vorgeschriben Hufs *Ochsenberg* wider in unser oder unser Erben Hant kommet, dafs wir und das Hufs *Ochsenberg* ja verbunden sollent syn in alle die Wifs, also davor geschriben stat, und also wir in gefworn hant, und des zu einer waren Urkunde, so hant wir *Mgr. und Mgr. H. Unser Sun*, Unser Insigel gehencket an diesen Brieff, der wart geben, da man zalt von Cristes Geburt druzehenhundert Jar und darnach in dem acht und zweintzigsten Jare, an dem nechsten Samstag nach dem Montage, als Got ze Hymel fure.

||  
(L. S.)

||  
(L. S.)

Nota. Extat quoque hæc Charta in LEHMANNI *chron. Spirensi* Lib. VII. Cap. 28. edente FUCHSIO pag. 676. sq. Ut sciat lector quo iure Ochsenberga in Marchionis manum transiverit, literæ emtionis venditionis supra ad A. 1321. omillas h. l. exhibemus integras.

Cod. Dipl.

D d d